

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 77. sjednici, održanoj dana 04.09.2012. godine, d o n o s i

ZAKLJUČAK

I.

Daje se saglasnost ministru Ministarstva za obrazovanje, nauku, kulturu i sport, da zaključi anekse o produženju ugovora o prijevozu učenika osnovnih škola sa područja Zeničko-dobojskog kantona na relacijama na kojima osnovne škole Zeničko-dobojskog kantona, nakon provedenih postupaka javne nabavke usluga prijevoza učenika osnovnih škola za prvo polugodište školske 2012/2013. godine, nemaju ispunjene zakonske uvjete za zaključenje ugovora, i to za period od 03.09.2012. godine, do okončanja izbora najpovoljnijih prijevoznika koje će osnovne škole Zeničko-dobojskog kantona izvršiti u skladu sa odredbama Zakonom o javnim nabavkama BiH, a najkasnije do kraja prvog polugodišta školske 2012/2013. godine.

II.

Na osnovu saglasnosti iz člana I. ovog zaključka, aneksi ugovora o prijevozu učenika osnovnih škola sa područja Zeničko-dobojskog kantona zaključit će se sa prijevoznicima odabranim u provedenom međunarodnom otvorenom postupku javne nabavke za školsku 2011/2012. godinu.

Izuzetno, na relacijama za koje nisu zaključeni ugovori o prijevozu za školsku 2011/2012. godinu, aneksi ugovora o prijevozu učenika osnovnih škola sa područja Zeničko-dobojskog kantona zaključit će se sa prijevoznicima odabranim u provedenom međunarodnom otvorenom postupku javne nabavke za školsku: 2008/2009, 2009/2010 i 2010/2011. godinu.

III.

Sredstva za realizaciju usluga prijevoza učenika osnovnih škola u školskoj 2012/2013. godini obezbijedit će se iz namjenskih sredstava, koja su utvrđena na razdjelu 22, budžetska organizacija 01, potrošačka jedinica 0001, ekonomski kod 614200-MAD 201, pozicija „Transfer za prevoz đaka“, u Budžetu Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12).

IV.

Za realizaciju ovog zaključka zadužuju se Ministarstvo za obrazovanje, nauku, kulturu i sport i Ministarstvo finansija, svako u okvirima svojih nadležnosti.

V.

Zaključak stupa na snagu danom donošenja.

Broj: 02-_____/12.

Datum, 04.09.2012. godine

Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x a/a.